

Uunga

allannguutissatut siunnersuut

Uunga siunnersuut: Nioqqutissanik eqqussuinermi akitsuutit pillugit Inatsisartut inatsisaata allanngortinneqarneranik Inatsisartut inatsisaat

Pingajussaaneerreqarneranut Naalakkersuisunit saqqummiunneqartoq

§ 1-imut

1. § 1, stk. nr. 01-itut nutaatut ilanngunneqarpoq:

”01. § 1, stk. 1, nr. 6 aamma nr. 6a, oqaasertalerneqarpoq:

”Nr. 6.

Puut imeruersaatinik imallit tamarmik, tassunga ilanngullugit pikkunarsakkat paarnallu saftii, puut immuk tunngavigalugu imeruersaatinik tunisassianik imallit pinnagit, takujulli nr. 6a.

a) pooq ataaseq ilanngaaseereerluni 0,25 literi tikillugu imalik: 1 kr. 40 øre

b) pooq ataaseq ilanngaaseereerluni 0,25 literi sinnerlugu imalik: 2 kr. 90 øre.

Nr. 6a.

Akilerartussaannngitsut tassaapput: Puut immiaaqqanik aamma imeruersaatinik sunilluunniit kulsyrimik akullit tuneqqinneqarnissaat siunertaralugu inuussutissarsiortunit sumiiffinnut Qaanaamut, Ittoqqortoormiunut imaluunniit Tasiilamut eqqussorneqartut.”

Siunnersuummut nassuiaatit

Nassuiaatit nalinginnaasut

Allannguutissatut siunnersuummi siunertaq pingaarneq tassaavoq puunut akitsuutip 60 ørimik appartinnissaa.

Tunuliaqut

Inatsit atuuttoq malillugu puut imeruersaatinik imallit tamarmik, tassunga ilanngullugit pikkunarsakkat paarnallu saftii, akitsuutaat akilersinneqarput, puut immuk tunngavigalugu imeruersaatinik tunisassianik imallit pinnagit. Akitsuutit akii marluupput, puumut ataatsimut 0,25 literi tikillugu imalimmut 2,00 kr. aamma puumut ataatsimut 0,25 literi sinnerlugu imalimmut 3,50 kr. Akit taakku 2012-imiilli allanngornikuunngillat.

Aningaasanut inatsimmik isumaqatiginninniarnernut atatillugu saqqummiunneqassaaq. Allannguutissatut siunnersuummi tassani puut akitsuutaat puumut ataatsimut 60 ørimik appartinneqarpoq, assigalugu pisiniarfiit allaffissornermut puunillu utertitsisarnermik

aaqqissuussinerup nutaap ingerlanneqarneranut akiliutissaattut ilimagineqartoq. Taamaalilluni akitsuutiniq appaaneq pisiniarfiit immaqalu atuisut iluaqutigissavaat.

Qularnaveeqqusikkanik utertitsisarnermik aaqqissuussinerup nutaap aamma Nuuk Imeq A/S-ip matunera atuinermut taamaalillunilu puut akitsuutaannit isertitanut tamarmiusunut qanoq sunniuteqarnissaa maannakkut nalornissutaagaluartoq siunnersuut saqqummiunneqarpoq.

Tamatuma saniatigut puut sumiiffinnut Qaanaamut, Ittoqqortoormiitut Tasiilamulluunniit eqqunneqartut akitsuutaannik akiliisoqartannginnissaanik allannguutissatut siunnersuut imaqarpoq. Akiliisitsinninnissami immikkut akuersissuteqarnermik ukiorpasuaarni aaqqissuussineq inatsisikkut aalajangerneqarpoq, taannalu malillugu (kommuniunikuni) Qaanaami, Ittoqqortoormiini Tasiilamilu nioqqutissanik eqqussuineq annissuinerlu pillugit Inatsisartut inatsisaanni § 19 naapertorlugu immiaaqqat aamma imeruusaatit suulluunniit kulsyrimik akullit puuisa akitsuutaannik akiliisoqarnek ajorpoq.

Qaanaaq, Ittoqqortoormiit Tasiilarlu Nuuk Imeq A/S-ip puiaasaaqqanik utertitsisarnermik aaqqissuussinerani maannamut ilaatinneqarnikuunngillat, taamaammatt immiaaqqanik, sodavandinik assigisaanillu sumiiffiit taakku nunanit allanit ilaatigut qillertuusaniittunik pilersorneqarnikuupput. Qaanaami, Ittoqqortoormiini Tasiilamilu pisiniarfiit akit nunap sinnerani akit assinginik qulakkeerinniffiginiarlugit sumiiffiit taakku immiaaqqat aamma imeruusaatit kulsyrimik akullit (sodavandit) taamaallaat Qaanaami, Ittoqqortoormiini Tasiilamilu tuniniaqqinneqarnissaat siunertaralugu puut eqqussorneqartut maannamut akitsuuteqartinneqanngillat.

Inatsimmut allannguutissatut siunnersuuteqarnermi maannakkut immikkut akuersineq atorunnaassaaq.

Akitsuutiniq akiliisanninnerup inatsimmi aalajangersarnerani maannakkutut piumasagaataavoq imeruusaatit sumiiffinnut taakkununga eqqussorneqartut tuniniaanikkut allatulluunniit sumiiffinnut puut akitsuutaannik akiliisitsisarfiusunut nassarneqassanngitsut. Akileraartarnermut Aqutsisoqarfiup ilaatigut imeruusaatinik eqqussukkanik nunatsinni sumiiffinnut allannut assartuisoqartarnersoq paasiniarlugu immikkoortumi ineriartorneq malinnaavigissavaa. Taamaattoqarpat aalajangersagassatut siunnersuutigineqartup allanngortinnissaanik siunnersuuteqarnissaq pisariaqassaaq.

Allannguutissatut siunnersuutip aningaasaqarnikkut kingunerisassai

Allannguutissatut siunnersuuteqarnermi missingiisoqarpoq puunut akitsuutinit isertitat tamarmiusut puut akitsuutaata maannakkutut qaffasissusiata aalajangiusimaannarneranut sanilliullugu ukiumut 20 mio. kr.-nik ikilissasut. Erseqqissarneqassaaq missingiineq taanna nalorninartartoq.

Ilimagineqarpoq Nuuk Imeq A/S-ip matuneratigut Nunap Karsia puunut akitsuutinit ullumikkumut sanilliullugu isertitaqarnerussasoq. Missingiinerni nutaani missingerneqarpoq Nunatta Karsia puut akitsuutaannit isertitai tamarmiusut ukiumut immaq 90-120 mio. kr.-nik annertussuseqartassasut.

Missingiinermi tunisassiat katitigaanerisa allanngorsinnaasut allanngussasullu sillimaffigineqanngilaq. Ilimagineqartariaqarpoq atuisut ullumikkut ilisimaneqartuniit nioqqutissanik allanik puulinnik pisisinnaalissasut. Nioqqutissianit taakkunanga sorliit piumaneqassanersut ilisimaneqanngilaq.

Naatsorsuinerni taakkunani imigassamik sodavandinillu atuinerup allanngorsinnaanera sillimaffigineqanngilaq.

Allannguutissatut siunnersuummi aalajangersakkanut ataasiakkaanut nassuiaatit

Nr. 1-imut

Nr. 1-imut

Puunik utertitsisarnermi aqqissuussinerup nutaap atuutilersinneqarnera nunatsinnut nioqqutissanik eqqussuisunut allaffissornermut puumut ataatsimut 60 ørimik akiliisussaanerisa kinguneranik aningaasartuuteqarnerunermik kinguneqassaaq.

Tamanna tunngavigalugu puunik imeruersaatinik imalinnik eqqussinermi § 1, imm. 1, nr. 6, litra a-mi akitsuutit akii imatut siunnersuutigineqarput:

Puumut ataatsimut ilanngaaseereerluni 0,25 literi tikillugu imalimmut 2 kr. 00 ørimut 1 kr. 40 ørimut nr. 6, litra a-mi allanngortinneqassasoq.

Puumut ataatsimut ilanngaaseereerluni 0,25 literi sinnerlugu imalimmut 3 kr. 50 ørimut 2 kr. 90 ørimut nr. 6, litra b-mi allanngortinneqassasoq.

§ 1, imm. 1, nr. 6a-mi Akit taakku Qaanaami, Ittoqqortoormiini Tasiilamilu atuutissanngitsut siunnersuutaavoq. Atuutitsinnginneq, imeruersaatinut kulsyrimik akulinnut, taamani kommuniusuni Qaanaami, Ittoqqortoormiini Tasiilamiluunniit inuussutissarsiortunit tuniniaaqqinnissamut eqqussorneqartunut, inatsit § 4 a-mi piffinnut aamma atuuppoq.

§ 1, imm. 1, nr. 6-imi allannguinermi eqqussukkat akitsuutaat pillugit Inatsisartut inatsisaanni inatsisissatut siunnersuummi allannguutit allat 1. januar 2024 atuutilernissaat malinneqarpoq, taannalu Imeruersaatinut puut pillugit Namminersorlutik Oqartussat nalunaarutaata nr. 49, 28. september 2023-meersup ulloq aamma atuutilerfigaa.